



UPA 2016/118-01

10.05.2016

Ernup nukissiorfiup Qorlortorsuarmiittup sarfamik tunisisinnaanerata annertusarneqalerneranut atasumik, Alluitsup-Paa allanit salliutillugu, Qorlortorsuarmi nukissiorfimiit sarfamik pilersorneqalernissaa siunniullugu, Naalakkersuisut UKA 16-mi saqqummiunneqartussamik, qanoq naleqassanerani pilersaarusi millu suliaqassasut Inatsisartut aalajangiiffigisassaattut siunnersuut.

(Inatsisartunut ilaasortaq, Kalistat Lund, Inuit Ataqtigii.)

Inatsisartunut ilaasortaq, Kalistat Lund, Inuit Ataqtigiinneersup siunnersuutaa, tassa imermik nukissiorfiup Qorlortorsuarmiittup sarfamik tunisisinnaanerata annertusarneqalerneranut atasumik, Alluitsup-Paa allanit salliutillugu, Qorlortorsuarmi nukissiorfimiit sarfamik pilersorneqalernissaa siunniullugu, Naalakkersuisut UKA 16-mi saqqummiunneqartussamik, qanoq naleqassanerani pilersaarusi millu suliaqassasut Inatsisartut aalajangiiffigisassaattut siunnersuutaa Partii Naleqqamiit imannak oqaaseqarfigissuarput.

Siunnersuut soqtiginartoq aamma tunngaviatigut tapersersortariaqartoq saqqummiunneqarmat qujavugut.

Aallaqqaasiulluguli ersarissumik paaserusupparput, ilumut erngup nukinganik nukissiorfinniit atuinerput Naalakkersuisut oqartarnerattuut 70% sinnerlugu annertussuseqarpaa ?

Tassami maannamut takusinnaasavut naapertorlugit illoqarfinni erngup nukinganik nukissiuuteqarfiusuni, suli kallerup innerani pilersuineq, nukissiorfinni olie-mik atuiffiusuniik nukissiorfiit ator neqarlutillu ingerlanneqarmata.

Aamma siorna § 37 naapertorlugu Naalakkersuisunut apeqquteqarninni paasitinneqarpunga nukissiorfinniit olie-mik atuiffiusuniit kiap ator neqanngitsoortartoq ukiumut 39 mio kr-.init missaani naleqartoq.

Tassa nukerujussuarmik atunngitsoortakkatsinnik pisoorsuaasaarluta avammut eqqaavugut, uffamassa inuiaqtigiinni pisariaqartitsineq annertoorujussuungaluartoq.

Ilumullimi politikikkut piumassuseqarnerungalarutta, nukerujussuaq atunngitsoorlugu avammut eqqaannangarput aamma imeq avammut kuuttiinnangarput atorluarnerusuungutsigit, qanormita nunarput suliffissaqartitsinikkut aningaasarsiornikkullu pitsaatigusumik inississinnaangaluarpa ?

Siunnersuuteqartoq ilumoorpoq oqarami, nunatsinni tamarmi illoqarfiit nunaqarfiillu aammalu aatsitassarsiorfinni, inuussutissarsiorfittut ingerlatsiffiunissaminnut periarfissalinni tamani erngup nukinganit sarfamik pilersorneqalerumaarnissaminnut pilersaarusiorgineqarnissaannik siunnersuuteqarnera tamakkiisumik taperserparput.

Nalilersuinissami isumaqarpugut periarfissat allat, soorlu anorip, siqerngullu nukingisa, tinittarnerup uluttarnerullu nukinga, eqqakkanik ikuallaarsarfimmiit kiaap kiassaaitut atorsinnaanera il.il. aamma Alluitsup Paani qanoq atorluartigisinnaanerat paasilluassallugu pisariaqarpoq, minnerunngitsumillu aamma aningaasartuutaajumaartussat ilanngullugit eqqarsaatigalugit.

Tassami Alluitsup Paata Qorlortorsuarmi erngup nukinga atorlugu nukissiorfimmit sarfamik pilersorneqalersinnaanera Naalakkersuisut akissuteqarnerat naapertorlugu 85 mio. kr. missaanik akeqassasoq oqaatigimmassuk aammalu inaallagissap aqputai ukiuni 35-ini taamaallaat piusinnaasutut naatsorsuutigineqarmata.

Paasivarput Naalakkersuisut nukissiuutit mingutsitsiviunngitsut eqqarsaatigalugit nukissiuutit ataavartut nunaqarfinni illoqarfinnilu siunissami atorneqarnerulernissaanut pillugit pilersaaruteqartut.

Taamaammat soqutiginarpoq Naalakkersuisunut apequtigissallugu:

1. Pilersaarut qanga aallartinneqarpa ?
2. Pilersaarut sumut killippa ?
3. Pilersaarut qaqugu naammassineqassangatinneqarpa ?

Taama oqaaseqarluta siunnersuutip aappassaanneeraneqannginnerani Pinngortitamut Avatangiisinullu ataatsimiititaliami suliarineqarnissaa inassutingaarput.